

◎晉紀

世祖武帝（名炎司馬昭子）

吳主孫皓，荒淫暴虐，至因醉鑿人目，剝人面，

上下離心。

（甲）平吳
統一

晉帝遣王濬王渾以舟師圍石頭，皓出降，吳亡。

帝既平吳，耽事遊宴，怠於政事，后父楊駿及弟珣與濟並專權，舊臣多被疏退。

孝惠帝（名衷武帝子）

（甲）賈后
之亂

帝駿，因其子遹慧而得立，嘗聞蛙鳴問官私，歲饑，問何不食肉糜。

后賈氏性凶淫，預政，殺太傅楊駿及珣濟等，夷三族，廢太后楊氏爲庶人，尋弑之。又以太子遹非己出，廢後殺之。

◎八王之亂

汝南王亮遷太宰，專權勢，爲楚王瑋矯詔所害。

楚王瑋剛愎好殺，張華說賈后坐以矯詔，誅之。

趙王倫殺賈后，自稱帝，齊王河間王、成都王共誅之。

齊王冏爲大司馬，驕奢擅權，長沙王擒斬之。

長沙王又與成都王不謀，互攻，後爲東海王所殺。

(甲) 各王
互殺

成都王、穎廢后及太子，東海王奉帝討之，穎將石超

軍射帝，頰中三矢，侍中嵇紹衛帝，被殺血濺帝衣，使勿浣，河間王爲太宰，廢穎後被誅。

河間王、顥，嘗與成都王共反，掠京師，後被徵，爲

南陽王模邀殺之。

東海王、越爲太傅，專政，誣殺朝臣，死後爲漢石勒

剖柩焚尸。

◎西晉之亡

孝懷帝（名熾武帝第廿五子）

（甲）懷帝
被擄

先是匈奴人劉淵稱漢帝，子聰時，寇洛陽，晉軍前後十二敗，入宮大掠，執帝北去。正月朔，漢主聰使晉帝青衣行酒，從臣憤哭，聰惡盡殺之。

孝愍帝（名業武帝孫）

（甲）愍帝
被擄

聞懷帝遇害，即位長安。

漢遣劉曜攻陷長安，帝出降，送帝平陽。

聰出獵，使帝戎服前導，故老有泣者。十二月聰饗羣臣，使帝行酒洗爵，又使執蓋。晉臣皆哭，尚書郎辛賓抱帝哭，聰怒斬之，帝遂遇害。西晉亡。

元帝（名睿瑯琊王子武帝之姪實爲小吏牛氏之子）

帝爲瑯琊王時，避成都王穎之亂，歸江東。漢主劉聰入寇時，中國士民多南渡江。

（甲）羣賢創基

王導說王多收賢俊，得刁協卞壺庾亮等百六椽遊宴新亭，相視流淚。而時賢祖逖劉琨陶侃等，均存恢中原之志。

聞愍帝遇害，即位建康。

（乙）王敦謀篡

王敦反，刁協勸帝盡誅王氏，周顗暗表導無罪，明不與言，導恨之。

王敦攻入石頭，殺將軍戴淵，僕射周顗。王導後見顗表曰伯仁由我而死，敦還武昌。

明帝（名紹元帝子）

（甲）平定王敦

溫嶠謬敬王敦，歸京盡告敦謀。王導聞敦病，詐言其死發哀，人有奮志。帝親伐之，敦敗怒死戮尸。

◎方鎮跋扈

成帝（名衍明帝子）

庾亮用事，頗失人心，內史蘇峻，卒銳器精，有輕朝廷之志，亮徵之，王導卞壺溫嶠勸皆不聽，峻不應命。

（甲）蘇峻之亂

庾亮又畏荊州陶侃得衆，以溫嶠鎮武昌備之。嶠聞峻反，請入衛，亮曰，吾憂西陲，足下無過雷池一步。峻攻入臺城，卞壺戰歿，一門死節，亮

奔潯陽。

溫嶠約陶侃討峻，侃恨亮辭謝，嶠以義勸之遂進。嶠乏糧，向侃借之，侃怒不與，後聽李陽勸，乃分米與嶠。進軍擊峻，峻馬蹶，爲侃將斬之。

穆帝（名聃康帝子成帝孫）

（甲）桓溫擅權

桓溫伐蜀降之，威名大振，朝廷憚慮，以殷浩抗之。溫恨浩，浩屢北伐無功。溫奏廢之，政皆歸溫。

溫後欲用浩，以書告之。浩喜覆書，慮有誤，開閉十數，竟達空函。溫怒遂絕，浩卒徙所。

◎東晉中興

孝武帝（名昌明簡文帝子）

秦王苻堅欲攻晉，羣臣多爲不可。堅曰，吾卒可得九十七萬，投鞭於江，足斷其流，晉何險可恃。

堅遣苻融等，步騎二十五萬爲前鋒，以戎卒六十萬，騎二十七萬發長安。

(甲)肥水之戰

晉以謝玄謝琰等，督衆八萬拒之，玄問計於謝安，安曰，已別有旨，遂出游圍棋。

堅遣晉降將朱序說降，序言於謝石，宜乘秦軍未集，先摧前鋒。石進擊，堅望八公山草木皆爲晉兵。

秦軍逼肥水而陣，玄曰，秦軍小却使我渡決勝負。

堅小退玄衝之，朱序呼秦軍已敗，秦軍退不可止。

殺苻融，堅中矢，大潰，聞風聲鶴唳皆爲晉兵。

◎南北混亂及東晉之亡

(甲) 東晉
時之
喪亂

西晉亡後，北方之地，盡爲匈奴，鮮卑，羯，氐，羌，五種外族占據。立國者，爲前後二趙，前後西三秦，前後南北四燕，前後南北西五涼，及夏成漢等十六國。互相吞併，至劉宋時，始漸亡盡。東晉立後，南朝各鎮，則有王敦，蘇峻，郭默，桓溫，王恭，桓玄等專橫叛亂，東晉因是而衰。

(乙) 劉裕
篡晉

彭城劉裕，初爲劉牢之部將，牢之死，裕起討桓玄滅之，又滅南燕及後秦。威權日隆，晉宋公加九錫，遂懷篡志。
裕以讖云，昌明之後，尚有二帝。遂弑晉安帝，而立恭帝，以應之。尋逼恭帝禪位，東晉亡。
裕以毒酒進廢帝，廢帝拒飲，兵以被掩殺之。

◎南北朝

(甲) 南朝 變遷

劉裕篡晉稱「宋」，傳至主昱，以戲射中領軍蕭道成，被弑。立明帝，逼禪位於道成，宋亡，尋被弑滅家。

道成國號曰「齊」，至二世爲蕭鸞篡弑。鸞子寶卷淫虐，爲弟寶融廢。融又爲大司馬蕭衍篡弑，齊亡。

衍國號曰「梁」，在位四十八年，百姓小安。遭侯景之叛殂，傳至敬帝，爲丞相陳霸先篡弑，梁亡。

霸先國號曰「陳」，傳至後主叔寶，荒淫奢靡，爲隋所滅。

(乙) 北朝
變遷

西晉之末，封鮮卑族拓跋猗盧爲代王。至拓跋珪改國號曰魏稱帝，奄有中夏。傳至孝武帝，避權相高歡反，西奔長安，宇文泰迎之稱「西魏」，歡立善見爲帝稱「東魏」。

高歡之子洋逼東魏主禪位，尋弑之，國號「齊」，盡滅拓跋族。洋後骨肉篡弑，傳至緯，爲周所滅，殺緯，夷其族齊亡。

宇文泰之子覺，廢西魏主，尋弑之。自稱帝，國號「周」，傳至闡，爲丞相楊堅逼禪，堅盡滅宇文之族，周亡。